

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第二八冊

地方志人物傳記資料叢刊

國

家

圖

書

館

編

北京圖書館出版社

第二十八冊目錄

(民國)牟平縣志(二)

文獻志		一
鄉宦		二
鄉宦表		五八
登進		九六
忠烈		一六三
孝義		一六九
耆宿		二一三
壽民		二一九

(光緒)文登縣志(一)

文學		二二四
技術		二二九
寓賢		二三二
列女		二三七
藝文		三七四
碑志類		三七八
職官表		四二七
選舉表		五五七
貢生		五九四
名宦		六五八

牟平縣志卷七

一二一六年徵集之書

文獻志一

本縣建設二千餘年，其間文化久開，所有鄉先輩嘉言懿行、與其著作，及地方散見軼聞，當有不可勝用之史料；乃以迭經兵燹之故，士民流徙，典籍淪亡，甚至最近檔案，老吏或不能舉，文獻既無徵矣，後起者抱殘守缺，反欲於志乘中備載文獻，豈可得哉！本編據新舊各稿，參以見聞所及，於地理政治外，彙輯為文獻志；獻以志歷代之名人，其目凡九：曰鄉宦，曰登進，曰忠烈，曰孝義，曰耆宿，曰文學，曰技術，曰寓賢，曰列女，即舊志所謂人物志也；文以志歷

代之古典，其目凡五：曰藝文，曰金石，曰通紀，曰雜志，曰方言，即舊志所謂藝文志、而稍廣其義也。值文獻絕續之交，傳信傳疑，缺誤在所不免，姑述所知，以備將來考證云爾！

鄉宦

查州志所載仕進人物，其事蹟詳略有無，甚不一致；茲特分為鄉宦傳鄉宦表二項，以事蹟可考者列傳，以事蹟失傳者列表，至現存鄉宦，則僅述履歷，不加論斷，一生人不立傳，一遵通例也。

鄉宦傳

後漢

劉寵 字祖榮、東萊牟平人，齊悼惠王之後也。悼惠王子孝王將閭、將閭少子封牟平侯，子孫遂家焉。父丕博學，號為通儒，寵少受父業，以明經舉孝廉，除東平陵令，以仁惠為吏民所愛，母病棄官去，百姓將送塞道，車不得進，乃輕服遁歸。後四遷為豫章太守，又三遷為會稽太守，山民愿朴，乃有白首不入市井者，頗為官吏所擾、寵簡除煩苛，禁察非法，郡中大化，徵為將作大匠，山陰縣有五六老叟，扃眉皓髮，自若邪山谷間出，人齎百錢以送寵，寵勞之曰：「父老何自苦？」對曰：「山谷鄙生，未嘗識郡朝，它守時，吏發求民間，至夜不絕，或狗

吠竟夕，民不得安；自明府下車以來，狗不夜吠，民不見吏，年老遭值聖明，今聞當見棄去，故自扶奉送。」寵曰：「吾政何能及公言邪？勤苦父老！」為人選一大錢受之。轉為宗正大鴻臚，延熹四年、代黃瓊為司空，以陰霧愆陽，免。頃之，拜將作大匠，復為宗正。建寧元年、代王暢為司空，頻遷司徒太尉，二年、以日食策免，歸鄉里。寵前後歷宰二郡，累登卿相，而准約省素，（劉邠注云：按文言「准」都無義，蓋本是廉字，）家無貨積。嘗出京師，欲息亭舍，亭吏止之曰：「整頓灑掃，以待劉公，不可得也！」寵無言而去，時人稱其長者。以老病卒於家。弟方官至山陽太守，方有二子：岱字公山、繇字正禮。

，兄弟齊名稱。董卓入洛陽，岱從侍中，出為兗州刺史，虛民愛物，為士人所附。初平三年、青州黃巾賊入兗州，殺任城相鄭遂，轉入東平，岱擊之，戰死。興平中、繇為揚州牧振威將軍，時袁術據淮南，繇乃移居曲阿，值中國喪亂，士友多南奔，繇攜接收養，與同優劇，甚得名稱。袁術遣孫策攻破繇，因奔豫章，病卒。後漢書劉寵傳

按劉寵為漢牟平侯劉滂之後，（漢牟平在今福山縣境，詳沿革。）自王莽篡位，侯封久替，子孫或潛居鄉里，或流寓四方，累世多賢，有名當代。寵以居鄰東牟，卜宅卜兆，遺蹟長留，訪莒島之碑，謁鄉賢之祠，（寵崇祀鄉賢祠）百世

下猶令人聞風興起焉。州志於劉寵外，復列劉丕劉方劉岱劉
繇劉基諸人，雖皆為寵之親系，亦皆賢聲卓著，然在本縣均
無遺蹟可考，福山縣志已備載之，本志未敢冒登。

宋

于琛 字獻庭，世居念上村，五代時人。仕至潁川長史，累世多
顯達，以子貴，追贈大理寺評事。

于延紹 琛長子。前攝別駕銀青光祿大夫檢校國子祭酒兼侍御史
。

于延遂 琛次子。前攝文登主簿。

于延杲 琛三子。正團練押衙，前攝峽州判官。

于延挺

琛四子。朝散大夫行太子右贊善大夫。

于延襲

琛五子。副都孔目官銀青光祿大夫檢校國子祭酒兼御史中丞。

中丞。

右據姑餘山太平興國四年碑及于琛墓太平興國八年碑文

。延紹延遂延杲、署銜上各加「前」字，與于琛稱「前潁川長

史」（亦見太平興國四年碑）同。牟平遺香集稱琛為「五代時

至潁川長史，」不過揣測之詞，查趙宋代周，至太平興國四

年，已二十餘年，焉知琛非仕宋為潁川長史？如以「前」字推

定為五代時，則延紹等署銜上各加「前」字，豈皆五代時耶？

琛墓碑建於太平興國八年，其時琛以子貴，已進贈為大理評

事，（事在太平興國六年）乃碑前題銜，仍稱潁川長史，舍當代之榮典，而用亡國之舊職，似非所宜。故稱琛為五代時人則可，其或仕於五代、抑仕於宋，則未敢斷定。俟考！

劉延紹 九區巫山人。前都孔目官銀青光祿大夫檢校國子祭酒兼御史中丞。據姑餘山太平興國四年碑

孫實 九區北黃村（原名黃壘村）人。歷官銀青光祿大夫檢校太子賓客兼殿中侍御史。州志列「孝友義行」必有所因，惜遺事失考。

羅適 徽宗時、知濟陰縣，多所興作，民勞而不怨。州志

金

馬從義 字宜甫，本扶風人，漢馬援裔，避五代亂，徙寧海，家焉；世居城內，富甲一州。天會間進士，充本軍吏，攝六曹，皆孚羣望，好周濟而無私。浮沉濁世，恥將浼焉，遂棄官學道，改名鉦，號丹陽，為海上七真人之一。（詳雜志）

郝俊彥 港北崖郝家疇人。先世太原籍，後徙安州，又徙牟平，家焉。十歲能屬文，未弱冠、首列辟雍，天會癸丑擢丙科進士，天德初、由安德令累遷至騎都尉，晉朝列大夫太原開國男食邑三百戶賜紫金魚袋，卒、諭祭葬。次子元亨、四子利用、俱以廕任寧海州鹽場都監，授保義校尉。

范懌 字壽卿，一字明叔，進士、殿試及第。大定間、任本州學

正，喜交方外士，居城南二里許，有園亭之勝，嘗與馬丹陽高巨才等宴集其中，又與三教堂僧竺律禪師遊，聽鄆州王道士鼓琴，蕭然有出塵之想，蓋高隱之流，不隨世俗為浮沉者。有子二：景純、景仁，純亦進士。

此外州志載有郭天錫，注云：「牟平南鄉郭家埠人，官至中議大夫祕書少監。」查文登縣志、郭天錫係郭長倩從子，隱居不仕，自號崑崙無學子，工書法，大定二十七年、所書東華宮全真社記，石刻猶存，結銜云：「故中議大夫祕書少監姪崑崙無學子郭天錫書丹，」蓋借用長倩之銜，州志不察，遂直以天錫為少監，並誤認為牟平人。今刪去。

又州志於藝文曾載郭長倩義師院叢竹詩，又載所著石決明傳崑崙集書目，認長倩爲牟平人，宋克智讀舊志偶跋、宮卜萬遺香集、及新府志，俱以長倩爲牟平人，蓋府志根據州志，州志根據宮集，宮集根據宋詩，其誤一也。查金史郭長倩傳：「郭長倩字曼卿，文登人。仕至祕書少監兼禮部郎中修起居注，所撰石決明傳，爲時輩所稱，有崑崙集行於世。」元遺山中州集載義師院叢竹詩一首，亦以長倩爲文登人，而文登縣志並引大定十二年學宮碑結銜云：「邑人郭長倩撰。」又云：「郭長倩墓在縣西南二十里郭家莊，」是長倩之爲文登人，確無庸疑，故本志將州志所登郭長倩詩及所著石決

明傳崑崙集各書目，一併刪去。

元

姜房 字漢臣，十區萬戶（原名魯宋里）人。稟生明毅，識度不凡，樂易而愛衆，鄉里咸推重之。年甫壯，值金季大亂，阻山瀕海之藪，盜賊千百為羣，嘯聚山谷，比獵人以為食，居民苦甚，房糾合義旅，冒鋒鏑者累年，賊黨始平，一方賴以全活。時元太祖已下山東，以李全行省事，房功聞於朝，特授本州同知，累遷至昭武大將軍晉昭毅大將軍元帥左監軍寧海州刺史，政崇寬簡，勤儉率下，合境化之，風俗丕變，人民富庶，朝廷嘉其能，加授膠濰莒密寧海等處總管萬戶，賜以金符，褒封上護

軍天水郡開國侯，在位十九年卒，享年五十六，諭祭葬。子九人，長思明、次思聰、襲職，亦皆恪守官次，不墜家聲，頗知細民利病。採姜房墓碑

姜思明 房長子。襲封昭毅大將軍，元帥右監軍，寧海州管民長官，兼膠濰莒密寧海等處總管萬戶、護軍、天水郡開國侯、食邑一千戶、食實封一百戶。

姜思聰 房次子。襲封昭毅大將軍，元帥左監軍，寧海州刺史，兼知軍事，護軍、天水郡開國侯、食邑一千戶、食實封一百戶

。併見文登刁招討碑

按姜房墓碑稱房在位十九年，以庚子卒於任，考其居官

時代，在元太祖太宗兩朝，子思明思聰襲職，亦在元定宗憲宗兩朝，爾時蒙古尚未建國改元，故無國號年號可紀。

又州志仕進中，列有姜思溫一名，官至都總領，係房第三子。

劉郁 雄偉有大志，值金季板蕩，保據東藩。後歸入元，歷官至六部都尚書。州志

劉國機 郁子。以父廕指揮千戶，憲宗時、以功授牟平縣丞。州志
董友 霑化人，少年登進士。南宋金元之際，山東大亂，友與楊安兒李全等，先後擁兵自雄，後歸元，以佐命功，封元帥，三任寧海州刺史，遂家焉，相傳城北董家莊系出節孝坊董氏，即